



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**  
**Operational Center**

Broj: 04-40-1-86/20  
Sarajevo, 27.03.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 26.03.2020. do 08:30 sati 27.03.2020. godine**

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

U toku jučerašnjeg dana Štab je održao 3. redovnu sjednicu na kojoj je analizirao trenutno stanje na području Kantona Sarajevo uzrokovano pojavom koronavirusa (COVID-19). Članovi Štaba su upoznati da su pripadnici Kantonalne uprave civilne zaštite Kantona Sarajevo u skladu sa naredbom i zaključkom Štaba tokom dana izvršili podjelu raspoloživih količina zaštitne opreme



(zaštitne maske, rukavice, mantili i kape) koje je Direkcija za robne rezerve Kantona Sarajevo dala na raspolaganje Štabu, slijedećim ustanovama, organima i udruženjima:

- Udruženju ratnih vojnih invalida paraplegičara Kantona Sarajevo 1200 komada hiruških maski sa povezom i 1800 komada hiruških rukavica sterilnih;
- KJU Gerontološki centar Sarajevo 1000 komada hiruških maski sa povezom i 1500 komada hiruških rukavica sterilnih;
- KJU Dom za djecu bez roditeljskog staranja Sarajevo 1000 komada hiruških maski sa povezom i 1000 komada hiruških rukavica sterilnih;
- KJU Dom za socijalno zdravstveno zbrinjavanje osoba sa invaliditetom i drugih osoba 200 komada hiruških maski sa povezom i 200 komada hiruških rukavica sterilnih;
- Pritvorskoj jedinici pri Ministarstvu pravde Bosne i Hercegovine 200 komada hiruških maski sa povezom i 500 komada hiruških rukavica sterilnih;
- JU Zavod za hitnu medicinsku pomoć Kantona Sarajevo 2000 komada hiruških mantila sa pojačanjem i 5000 hirurških kapa;
- JU „Opća bolnica Prim. dr. Abdulah Nakaš“ 5000 hiruških kapa;
- Ministarstvu unutrašnjih poslova Kantona Sarajevo 1400 komada hiruških maski sa povezom i 2000 komada hiruških rukavica sterilnih.

Članovi Štab su također, upoznati da su pripadnici Kantonalne uprave civilne zaštite Kantona Sarajevo tokom dana u skladu sa naredbom Štaba izvršili podjelu 500 litara alkohola 75%, koji je donacija Sarajevske pivare d.d., na slijedeći način: Univerzitetskom kliničkom centra Sarajevo 100 litara, JU „Opća bolnica prim.dr. Abdulah Nakaš“ 100 litara, JU Zavod za hitnu medicinsku pomoć Kantona Sarajevo 100 litara, JU Dom zdravlja Kantona Sarajevo 100 litara i KJP Veterinarska stanica Sarajevo 100 litara.

Štab je razmatrao spiskove osoba starijih od 65 godina koje žive sama dobijene od općinskih štabova civilne zaštite, te konstatovao da su to preliminarni spiskovi i da će se isti redovno ažurirati, kako bi na spiskovima bile samo osobe starije od 65 godina koje žive same i koji nemaju bližih srodnika da im dostave neophodne životne potrepštine. Na sjednici je dogovoreno da Štab sutra (27. marta) dostavi navedene spiskove Zavodu zdravstvenog osiguranja Kantona Sarajevo, kako bi općinski štabovi civilne zaštite putem sekretara mjesnih zajednica mogli preuzimati lijekove iz apoteka propisane kao redovna terapija za ovu kategoriju stanovništva i iste predavati volonterima Crvenog križa Kantona Sarajevo i njihovih općinskih organizacija koji će lijekove dostavljati osobama starijim od 65 godina.

Po nalogu Štaba Služba za veterinarske poslove nastavila je aktivnosti tokm jučerašnjeg dana na planskoj dezinfekciji javnih objekata i površina.

### **Općinski štab civilne zaštite Vogošća:**

Općinski štaba civilne zaštite je jučer održao vanrednu sjednicu nakon što je potvrđen slučaj koronavirusa na području Općine Vogošća i donio hitne mjere kako bi se suzbilo dalje širenje virusa. Donesena je naredba kojom se stambena zgrada gdje stanuje osoba koja je zaražena koronavirusom stavlja u potpunu izolaciju počevši od 26. marta 2020. godine, što podrazumjeva da



će ulaz i izlaz iz zgrade biti zabranjen svim osobama osim zdravstvenih radnika, policijskih službenika i ovlaštenih pripadnika civilne zaštite, dok će u toku trajanja izolacije stanarima stambene zgrade u izolaciji sve potrepštine kao što su namirnice i lijekovi biti dostavljeni putem službi zaštite i spašavanja.

### **Općinski štab civilne zaštite Centar:**

Općinski štab civilne zaštite je poduzeo aktivnosti na provjeri kod upravitelja zgrada da li provode postupak dezinfekcije objekata na području Općine Centar. Služba za civilnu zaštitu i mjesne zajednice je u skladu sa zaključkom Općinskog štaba civilne zaštite, pokrenula procedure javnih nabavki materijalno-tehničkih sredstva za potrebe zdravstvenih ustanova na području Općine Centar.

### **Općinski štab civilne zaštite Ilidža:**

Općinski štab civilne zaštite je u toku jučerašnjeg dana angažovala svoje službe zaštite i spašavanja na dezinfekciji zgrade, stana, stubišta i ulaza ispred zgrade gdje je živjela preminula osoba zaražena koronavirusom, kao i prostora oko zgrade Općine Ilidža i Doma zdravlja Ilidža, te sporednih ulica u naselju Osjek.

**Općinski štab civilne zaštite Hadžići:** Služba za vodosnabdijevanje i asanaciju terena je zbog pojačanog broja migranata u kampu Ušivak, tri puta u toku jučerašnjeg dana dostavila pitku vodu sa cisternom kao dopunu rezervoara u kampu. Crveni križ Hadžići zaprimio je dva poziva od građana koji su zatražili pomoć u hrani i istim su dostavljeni paketi hrane.

**Od ostalih općinskih štabova civilne zaštite s područja Kantona Sarajevo** putem njihovih operativnih centara civilne zaštite smo obavješteni, da kontinuirano rade na provođenju preventivnih mjera zaštite i spašavanja od koronavirusa.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 5 intervencija manjeg intenziteta i jednu tehničku intervenciju.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 6°C, vlažnost zraka 68%, barometarski pritisak 940,2 hPa.



**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski, željeznički saobraćaj je obustavljen po naredbi Federalnog Štaba civilne zaštite.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1